


1 + 1



ԳԵՂԱՐՔՈՒՆԻՔ ԳՅՈՒՂԻ ՄԻՋՆԱԿԱՐԳ ԴՊՐՈՑԻ ԹԵՐԹ 27 հուլիսի 2019 թ. թիվ 6 (6)

ՊԵՏԱԿԱՆԱՄԵՏՈՒԹՅՈՒՆ ԵՎ ԱՆԵԱՏԱՄԻՐՈՒԹՅՈՒՆ /Զրույց արմատներով գեղարքունիքցի, կանադահայ բանաստեղծուհի Ժանետա Հակոբյանի հետ/



Կան մարդիկ, ովքեր ճակատագրի բերումով հեռանում են իրենց ծննդավայրից, հայրենիքից, բայց թե՛ հոգով, թե՛ արյան կանչով կապված են միշտ իրենց հայրենիքին. Հիշում են, կարոտում և ապրում հայրենիքի խնդիրներով: Նրանցից է ծնունդով գեղարքունիքցի, այժմ Կանադայում ապրող Ժանետա Հակոբյանը:

- Ե՞րբ եք ծնվել:
- Ծնվել եմ դաժան մի թվի գարնանը, երբ սուրում էր մահվան քամին, ու հորս տարել էին մարտի. սով, մահացություն և ծնունդ...
«Անուշ երգերի փոխարեն Բարուրս ողբով լցրեցին»:
- Ի՞նչ կրթություն եք ստացել:
- Կրթությունս տնտեսագիտական է, ավարտել եմ ԵՊՀ Տնտեսագիտական ֆակուլտետը և Մոսկվայի Պլեխանովի անվան համալսարանի ասպիրանտուրան: Չնայած տնտեսագետ եմ, սակայն իմ մեջ ապրում է բանաստեղծի հոգին: Ծայրահեղորեն ռոմանտիկ եմ... դեռևս:
- Ո՞ր տարիքից եք սկսել ստեղծագործել:
- Երրորդ դասարանում, քայլելով չոր տերևների վրայով, գրեցի.
«Ընկնում են տերևները
Ու փռվում գետնին՝ դեղին ու կարմիր, կանաչ, չորացած,
Նայում են ընկած նրանց գույներին
Ու համեմատում կյանքի հետ մարդկանց»:
- Ո՞ր առարկան եք սիրել դպրոցում:
- Սիրել եմ բոլոր առարկաները: Տնային հանձնարարություններից բացի, աշխատում էի չանցածս թեմաների վրա, ընկերներիցս առաջ էի անցնում մի քանի էջ: Սիրում էի կարդալ պոեզիա՝ Թումանյան, Իսահակյան, Տերյան, Պուշկին, Լերմոնտով: Առանց հանձնարարականի անգիր էի անում նրանց ոտանավորները ու մինչև հիմա էլ արտասանում եմ իմ սիրած գործերը: Պոեզիան ինձ համար բանալի է՝ գտնելու մարդկային հոգու գաղտնիքները:
- Որտե՞ղ եք աշխատել:

- Դեռ դպրոցը չավարտած՝ հունվար ամսից աշխատեցի բանվորուհի էջմիածնի «Պլաստմասաների» գործարանում, շատ ծանր էր, բայց ուզում էի օգնել մայրիկիս:
Երբ մայրիկս տեսավ կոշտացած, արյունավիկ ձեռքերս, արցունքախառն համբուրեց ու արգելեց աշխատել: Հունիսին ընդունվեցի համալսարան /դպրոցս ավարտել էի արծաթե մեդալով/: Դիմեցի ռեկտորատ և խնդրեցի ինձ տեղափոխել երեկոյան բաժին, որ ցերեկները աշխատեմ: Մեր հարևանը ինձ տարավ գիտահետազոտական ինստիտուտ՝ որպես գծագրող-տեխնիկ: Ինձանից երջանիկ մարդ չկար... աշխատում էի գիտնականների միջավայրում:
Համալսարանի ավարտական քննություններից մեկի հանձնաժողովի նախագահի / Վահե Գաբուչյան/ երաշխավորությամբ գործուղվեցի՝ դասավանդելու թեթև արդյունաբերության տեխնիկումում: 14 տարի զբաղված էի իմ սիրած գործով՝ մանկավարժությամբ: Այնուհետև ինձ հրավիրեցին Հանրապետության Նախարարների Խորհրդի պետականային վարչություն՝ պլանավորելու երկրի թեթև արդյունաբերությունը:

Նր:
Ինչպես տեսնում եք, ես բանվորից հասա բարձրագույն պետական գործչի պաշտոնի՝ առանց հոր և «բարի քեռիների»: Ես չեմ զարմանում, ամեն ինչ արդար էր, քանի որ ես մանկուց էի ինձ պատրաստում պայքարելու իմ գիտելիքներով... Միշտ, առայսօր, գիշերվա ժամը 1-ից շուտ չեմ քնում: Ծարավ էի գիտության, անզամ երաժշտության, արվեստի, ինքնուս եմ սովորել նվագել, կարել-կտրել, թխել: Ստեղծագործել եմ, երգել ու շահել քաղաքային օլիմպիադայի առաջին մրցանակը՝ դաշնամուրը, որը մինչև հիմա դպրոցում է: Իմ նշանաբանն է. «Երբեք չասես չեմ կարող»- սա պահանջում եմ իմ զավակներից, ուսանողներից և ընկերներից: Խորհուրդ եմ տալիս իմ հայրենակիցներին, երիտասարդությանը՝ ղեկավարվել իմ նշանաբանով, հատկապես հիմա, որպեսզի ակտիվորեն մասնակցեն երկրի պետականաշինության, անկախության կայացման ու հզորացման գործին»:
- Դուք ունե՞ք հորբի:
- Սիրում եմ ճանապարհորդել, նպատակս է ծանոթանալ օտար երկրների ձեռքբերումներին, նիստուկացին, սովորույթներին ու համեմատել հայկականի հետ... Ափսոս, որ շատ բաներում բավականին հետ եմք մնում: Մեր խոսքը, թե ես Հայ եմ, հայն ուրիշ է... Հայ տղամարդ, Հայ կին... հասկացողությունները արժեզրկվում են, երբ տեսնում ու ծանոթանում եմ Հայաստանում տիրող իրական բարքերին...
- Ի՞նչ է նշանակում լինել հայ:

- Հայ լինել ինձ համար նշանակում է.
- ունենալ խիզախություն, խոստովանել և արմատախիլ անել սեփական սխալները
- երբեք հույսը չդնել ուրիշի վրա
- հպարտություն ունենալ և ուրիշից օգնություն չմուրալ
- ուժեղ լինել մե՛ն- մենակ ոտքի կանգնելու
- անհիմն չպարծենալ ո՛չ մեր անցյալով, ո՛չ սուտ ու փուչ պատմություններով, որ մենք հայ ենք: Դա ոչինչ չի նշանակում, երբ տեսնում եմ համատարած ծուլություն, հայիոյանքներ, կռիվներ, ողորմություն հայվաքողների անզամ աղբարկղերից:
- Ինչպե՞ս է հնարավոր դառնում օտար երկրում հայ մնալ:
- Ես, ապրելով Կանադայում, երբեք չեմ ողորմացել, կատարել եմ ինձ ոչ համապատասխան աշխատանքներ, իսկ անհրաժեշտության պահին ցուցադրել եմ իմ գիտելիքները, որը զարմացրել է անզամ օտարին, ու այդ պահին միայն ասել եմ, որ հայ եմ:
- Ի՞նչ ստեղծագործություններ ունեք
- Ամենահաջողվածը, որ ինձ պատիվ է բերում, ու որի համար հպարտանում եմ, «Արդարության Ուժեղ Ատյան» պոեմն է, որ նվիրել եմ Պարույր Սևակի հիշատակին: Պոեմը ինձ բերեց մեծ ճանաչում, ու ես հպարտանում եմ:
Մեծ ճանաչում ստացավ «Սուրբ Սարգիս»-ը, որը գրեցի Արամ Ասատրյանի համար:
Վերջում կցանկանայի ասել, որ հայր պետք է հավատարիմ մնա ի վերուստ իրեն տրված խոսք-պատվիրանին.
- Հայը քարից հաց քամո՞ղ է:
- Հայը պետք է ապրի ներկա խնդիրներով, դարի պարծենալ անցյալի հերոսներով ու գործչանի, անցյալը իրեն վերագրելով՝ նա մեծանում է...
Թող ուրիշները գնահատեն հային:



ՄԵՐ ԵՐԵՒԱՆԵՐԸ



կառավարողը: Բնական է, այս պարագայում «լավ» ծնողը ոչ միայն ինքը չի պատժում երեխային, այլ խոչընդոտում է չնչին պատիժը «հակառակորդի» կողմից՝ ցույց տալով իր լավ, բարի լինելու փաստը երեխայի առջև:

Այսպիսի դաստիարակության արդյունքը մեծ մասամբ անհուսալի է: Երեխան, որ ստանում է ամեն ինչ, առաջին իսկ պահանջի դեպքում դադարում է զնահատել ստացածը: Բացի այդ, երեխաները շատ զգայուն են և միշտ գիտեն, թե երբ են փորձում «զնել» իրենց զգացմունքները: Եվ այդ ժամանակ դիմում են ուղիղ մամիալույցի (իսկ պապան խոստացել է ֆոտոապարատ գնել, ինքն ասել է, որ ես արդեն մեծ եմ, պետք է սովորեմ այն օգտագործել): Երես առած երեխաները գտնում են, որ «լավը» դա նա է, ինչը որ իրենք ուզում են: Իսկ հետո ծնողները զարմանում են, թե որտեղից է այսքան վատը իրենց մեծացրած երեխան, բայց չէ՛ որ նա ամեն ինչ ուներ: Ինչու՞ է հասուն մեծ տղան գողանում պառավ կնոջ վերջին կուպեները: Ինչու՞ է հասուն աղջիկը տանից դուրս շարժում հորը (լավ է, որ ծերանոց, այլ ոչ փողոց):

Նրա համար, որ նրան սովորեցրել են, որ երկրագունդը պտտվում է հենց հատուկ իրենց համար: Եվ ոչ որ և ոչ ինչ, այդ թվում և ծնողները, չպետք է խանգարեն ցանկության իրականացումը: Առավել ևս, երբ ծնողները ծերացել են և անօգուտ դարձել մեծացած երեխայի համար:

Շատ լավ օրինակ է «խաղալիք» կինոնկարը, երբ տղան սովոր է ունենալ ամեն ինչ, ինչ կցանկանա, իսկ նա խաղալիքի փոխարեն կենդանի մարդ է ուզում և ստանում է: Եվ ահա «տիկնիկը» (հիասքանչ դերը կատարում է Պիեռ Ռիշարդ) գտնվում է ինքնատիպ և խորամանկ և երեխային փոխում դեպի լավը:

Այսպիսով, չի կարելի մերժել պատժի գաղափարը: Այն օգնում է տարբերել լավը վատից (լավի համար զոքվում են, վատի համար պատժում): Բայց, ընտրելով պատիժը, հարկավոր է որոշել՝ դաստիարակում եք

դուք գիտակից մարդու՞, թե վարժեցնում եք վայրի կենդանի:

Որոշ ծնողներ գտնում են, որ պատժելն անպայման ֆիզիկական ուժի գործադրումն է: Որոշներն էլ դիմում են հոգեբանական նվաստացումների: Օրինակ՝ երեխան պետք է բուրդի ներկայությամբ (ինչքան շատ մարդ լինի, այնքան ավելի լավ) ասի իր արարքի մասին և զղջա: Մի տղայի ուղիղ չորս տարի ստիպել են, որ ընկերների մոտ զղջա նրանում, որ ինքը տակն է թրջել: Երեխան տարվել է խաղող, հետաձգել զուգարան գնալը և կատարվել է դա: Երբ նրան ստիպել են իր մեղքն ընդունել, նա լացել է և խոստացել, որ երբեք-երբեք այդպիսի բան չի անի, մենակ թե ոչ որի չպատեն: Այդ ժամանակ մայրը բուրդին ցուցադրել էր շալվարը և մանրամասն պատմել նրա «արարքի» մասին: Գործը վերջացել էր փոքրիկի համար ծանր նյարդային խանգարումով: Ստիպել են ծնկաչոք, ձեռքը համբուրելով ծնողից ներողություն խնդրել: Կան նաև ծնողներ, ովքեր թափած խաղալիքների համար ծեծում են երեխաներին, հետո պահանջում, որ համբուրի ծեծող ձեռքը իրենց քայքայած նյարդերի և գործած ջանքի համար, որ օգտագործում են, որ մեծացնեն նրան «իսկական մարդ»: Դա վարժանք է ուղիղ իմաստով: Դա՞նք դա երբու՞մ է նրան, որ երեխան սկսում է խաբել, որպեսզի խուսափի պատժից, օրինակ՝ կեղծում է օրագրի գնահատականները և այլն:

Հարկավոր է կիրառել պատժի այլ տակտիկա:

Եթե ծնողի և երեխայի միջև կա փոխադարձ հարգանք, ապա բավական է խիստ հայացք, և երեխան արդեն հասկանում է, որ վատ արարք է կատարել: Նա անկեղծ զղջում է, ընդունում է կատարածի մեղքը (թեկուզ և այդ ուղղած գնահատականը, չէ որ լինում է, որ մեղք են գործում նույնիսկ ամենալավ երեխաները): Իսկ խոստովանությունը կլինի ավելի արժեքավոր, եթե լինի ինքնակամ, այլ ոչ ծեծով ու վախով:

Մյուս տարբերակը պատժելու հանդիսանում է երեխային զրկելը ինչ-որ «բոնուսից»՝ կոնֆետ, դրսում խաղալը, ճոճանակ նստելը և այլն: Այսպիսի պատժը նույնպես շատ կիրառելի է:

Պատժելով երեխային՝ հարկավոր է անպայման բացատրել նրան, թե հատկապես ինչի համար է նա պատժվում: Պատիժը կայծակ չէ, որը հարվածում է որտեղ պատահի: Այն պետք է հստակ կապված լինի կատարած արարքի հետ: Դրա հետ մեկտեղ հարկավոր է ուշադիր լինել և ստուգել արարքի առկայության փաստը, օրինակ՝ պատիժ դպրոցում վատ սովորելու համար: Նախքան երեխայի գլխին որոտ և կայծակ թափելը (եթե նույնիսկ դա կիրակնօրյա զբոսանքից զրկելն է) հարկավոր է պարզել ինչու է առաջադիմությունը ցածր, վատ: Կապված է դա ծուլության, սովորելու հետաքրքրության բացակայության, դասարանցիների հետ հարաբերությունների խնդրի, ընտանեկան խնդրի հետ, (ամուսնալուծված ընտանիքներում երեխաների առաջադիմությունը հաճախ ընկնում է), թե խոսքը գնում է երեխայի անընդունակ լինելու մասին ինչ-որ մի առարկայի հանդեպ: Օրինակ, կան երեխաներ, ովքեր շատ լավ շարադրություն են գրում, բայց ոչ մի կերպ չեն կարողանում բազմապատկան աղյուսակը սովորել: Հնարավոր է, որ երեխան կարիք ունի ոչ թե պատժի, այլ օգնության:

Պատժելիս հարկավոր է հիշել «ջագլիի օրենքի» մասին: Նույն արարքի համար կրկնակի չեն պատժում: Եվ պետք չէ ավելորդ անգամ հիշեցնել, եթե դա այլևս չի կրկնվում, իսկ երեխայի զղջումը եղել է անկեղծ: Հիշեցումը նույնպես պատժի ձև է, քանի որ երեխան տեսնում է, որ ինքը զղջացել է, արել ամեն ինչ, որ քավի իր մեղքը, բայց նրան այդպես էլ չեն ներում: Հարց է առաջանում նրա մոտ. իսկ հարկավոր էր արդյոք զղջալ, ինչ-որ քայլեր ձեռնարկել, չէ՞ որ միևնույն էր արդյունքը:

Ծնողը պետք է իմանա ևստակ, պատիժը դա ո՞չ վրեժ է, ո՞չ վիրավորանք, ո՞չ նվաստացում: Պատիժը դա դաս է, դաստիարակչական նպատակ: Աշխատեք այնպես անել, որ այդ դասը առավելագույն ձևով հասնի երեխային: Հիշե՛ք, հարգելի՛ ծնողներ, ինչպես դաստիարակելու եք, այն էլ ստանալու եք, հետո բողոքել չկա՛:

www.hogeban.am և «1+1» թերթի խմբագրություն

Ո՞Վ ԵՆՔ ՄԵՆՔ

Ովքե՞ր են եղել մեր նախնիները, որտեղի՞ց են եկել, ինչո՞վ են զբաղվել: Այս հարցերի շուրջ գրուցեցինք մեր համագյուղացի Լևիկ Ղազարյանի հետ: Նա պատմեց, որ 1854 թականին Ոսկանի տղա Կարապետը իր որդիների հետ գաղթել է Արևմտյան Հայաստանի Մշո երկրի Բուլանլուզ գավառից և բնակություն հաստատել Նոր Բայազետի շրջանի Գեղարքունիք / Բաշքյանդ / գյուղում:

Կարապետն ունեցել է 6 որդի՝ Մարտիրոսը, Սարգիսը, Պետրոսը, Ոսկանը, Մելիքը, Մարգարը: Մարտիրոսն ունեցել է 4 տղա՝ Հայկոն, Լյուդվիգը, Մոսկովը, Խաչատուրը: Խաչատուրն ունեցել է 2 որդի՝ Աշոտը և Միխայելը / Մուխելը /: Մոսկովը ունեցել է 3 տղա՝ Սաշիկը, Պարզը, Մաքսիմը: Պարզը ունեցել է 2 տղա՝ Համբարձումը և Սամվելը: Համբարձումն ունեցել է 2 տղա՝ Պարզը և Գարիկը: Սամվելը ունեցել է 1 տղա՝ Էդիկը: Մաքսիմը ունեցել է 2 տղա՝ Վարդանը և Աշոտը: Վարդանը ունի 1 տղա՝ Արամը, և մեկ աղջիկ, Աշոտը՝ 2 տղա՝ Արամը և Մաքսիմը:

Սարգիսը Կարապետի մյուս որդին, ունեցել է 7 տղա՝ Արմենը, Արամայիսը, Մերուժանը, Արտաշը, Սարիբեկը, Վալդը, Համլետը, որոնցից 3-ը՝ Արամայիսը, Արտաշը և Սարիբեկը, զնացել են պատերազմ և չեն վերադարձել: Արմենը ունեցել է 3 որդի՝ Արայիկը, Համբարձումը, Ժորան: Ժորան ունեցել է 2 տղա՝ Արթուրը և Զոհրապը: Համբարձումը ունեցել է 4 տղա՝ Արմանը, Արմենը, Արտաշեսը, Հայկը: Համլետը ունեցել է 2 տղա՝ Ռուբենը և Սամվելը, որոնք չեն բնակվել գյուղում: Մկրտիչը ունեցել է 2 տղա՝ Սերոժը և Սուրենը: Սերոժը ունեցել է 3 տղա՝ Գառնիկը, Մկրտիչը, Ռադիկը: Գառնիկը ունի 2 տղա՝ Ալիկը և Էդիկը: Ալիկը այժմ աշխատում է Գեղարքունիքի մարզի դատախազությունում՝ որպես ավագ դատախազ: Մկրտիչը ունի 1 տղա՝ Սերգեյը: Ռադիկը ունի երկու տղա՝ Սևակը և Սիմակը: Սուրենը ունեցել է 3 տղա՝ Հրանդիկը, Յուրիկը և Ռաֆիկը: Հովհաննեսը ունեցել է 1 տղա՝ Վանոն: Վանոն ունի 1 տղա՝ Վազգենը:

Մելիքը՝ Կարապետի մյուս որդին, ունեցել է 5 տղա՝ Լևոնը, Ավետիսը, Արախանը, Գվիդոնը, Վանուշը: Լևոնը ունեցել է 5 տղա՝ Արամը, Վանոն, Միխայե-

լը, Սիերը և Մամիկոնը: Վանոն զոհվել է մարտի դաշտում, իսկ Միխայելը, Սիերը և Մամիկոնը չեն բնակվել գյուղում: Արամը ունեցել է 2 տղա՝ Գուրգենը և Ավետիսը: Գուրգենը ունեցել է 2 տղա՝ Լևոնը և Արամը: Լևոնը ունեցել է 1 տղա՝ Վանոն, իսկ Արամը՝ 1 տղա՝ Հովիկը, բնակվում է Ռուսաստանի Դաշնությունում: Գվիդոնն ունեցել է 2 տղա՝ Գառնիկը և Բենիկը: Գառնիկը ունեցել է 4 տղա՝ Լյուդան, Վանիկը, Սամվելը և Սարգիսը: Բենիկը ունեցել է 1 տղա՝ Գագիկը: Ավետիսը ունեցել է 3 տղա՝ Արամայիսը, Պապինը և Բաբկենը: Արամայիսը ունեցել է 3 տղա՝ Պապինը, Դավիթը, Սիերը: Բաբկենը ունեցել է 2 տղա՝ Պարույրը և Արշալույսը: Պարույրը ունի մեկ տղա՝ Ավետիսը, Արշալույսը ունի 2 տղա՝ Հայկը, Գևորգը: Արախանը ունեցել է 6 տղա՝ Գուրգենը, Ռաշիդը, Արշակը, Սամվելը, Վահագը, Վարազդատը: Նրանցից Գուրգենը զոհվել է Խորհրդային բանակում ծառայելու ժամանակ: Ռաշիդը ունի 2 տղա՝ Գուրգենը և Եմինը, Վահագը՝ 1 տղա՝ Արտյոնը, և Սամվելը՝ 1 տղա՝ Իսահակը: Նրանք չեն ապրում գյուղում: Արշակը ունի 2 տղա՝ Արախանը և Գագիկը: Վարազդատը ունի 1 տղա՝ Դավիթը: Վանուշը ունեցել է 3 տղա՝ Հենրիկը, Համլետը և Ժուլետը: Ժուլետսն ունի 2 տղա՝ Արմենը և Արթուրը, Համլետը ունի 2 տղա՝ Կարենը և Սուրենը: Հենրիկը ունի 2 տղա՝ Վանուշը և Արայիկը:

Պետրոսը ունեցել է 3 տղա՝ Հայրո, Սաղաթել և Յուրիդարել: Սաղաթելը ունեցել է 6 տղա՝ Արամայիսը, Հայկարամը, Պարույրը, Հայկազը, Վարդգեսը, Նորիկը:

Հայրոն ունեցել է 1 տղա՝ Սերոժը: Սերոժը ունեցել է 4 տղա՝ Հուսիկը, Մերուժանը, Սամվելը, Վազգենը:

Հուսիկը ունի 1 տղա՝ Արմենը, Մերուժանը՝ 2 տղա՝ Հակոբը և Սասունը, Սամվելը՝ 1 տղա՝ Սարգիսը, Վազգենը ունի 2 աղջիկ:



Արամայիսը ունեցել է 3 տղա՝ Յուրիկը, Էդիկը, Ավետիսը: Էդիկը ունի 1 տղա՝ Պարզը: Յուրիկը՝ 1 տղա՝ Արամայիսը, ով Արցախի պաշտպանության դիրքերում իր կյանքը տվեց հանուն հայրենիքի: Սարգարը ունեցել է 2 որդի՝ Հակոբը և Նիկոլը: Հայրիկը ունեցել է 4 տղա՝ Վուրդյան, Հրաչը, Ռազմիկը և Ռաֆիկը: Ռաֆիկը ունեցել է 3 տղա՝ Իշխանը, Ռուբիկը, Վանուշը: Իշխանը ունի 2 տղա՝ Արմենը և Արայիկը, Ռուբիկը՝ 1 տղա՝ Ռաֆիկը, Վանուշը՝ 2 տղա՝ Ռոմանը և Սամվելը: Նիկոլը ունեցել է 1 տղա՝ Գևորգը:

Ոսկանը ունեցել է 1 տղա՝ Մանուկ անունով, որը զոհվել է բանակում: Նա ունեցել է 4 աղջիկ: Ժողովուրդը ազգությունը կոչել է «Աշեցիներ»: Նրանց մի մասը կրում է Ոսկանյաններ, իսկ մեծամասնությունը՝ Կարապետյաններ ազգանունը:

Աճի Կարապետյան

ԲՆՈՒԹՅԱՆ ԱՆԱՂԱՐՏՈՒԹՅԱՆ ԴԱՀՊԱՆՈՒՄԸ ՄԵՐ ՁԵՆՔԵՐՈՒՄ Է



Երկիր մոլորակը վերջին տարիներին գտնվում է մեծ աղետի մեջ և ունի բազմաթիվ հիմնական դիրներ, որոնցից են սառցաբեկորների հալվելը, բազմաթիվ բույսերի ու կենդանիների տեսակների անհետացումները, աղբերի կուտակումները՝ համաշխարհային օվկիանոսում, օզոնային շերտի քայքայումը և այլն: Այս բոլորը

էլ վտանգավոր են կյանքի համար, սակայն ինձ առավել անհանգստացնում է օզոնային շերտի քայքայումը, որը կարող է հանգեցնել բազմաթիվ անդառնալի հետևանքների: Օզոնային շերտը հանդիսանում է հուսալի վահան ուլտրամանուշակագույն ճառագայթների դեմ: Այն կլանում է վտանգավոր և որոշակի երկարության ալիք ունեցող ուլտրամանուշակագույն ճառագայթները պահպանելով կյանքը Երկիր մոլորակի վրա: Իսկ ուլտրամանուշակագույն ճառագայթների աղետալի վնասները շատ են օրինակ երկար ժամանակ արևի տակ մնալը մաշկի բաղցկեղով հիվանդանալու վտանգ է պարունակում, ճառագայթումից վնասվում են օրգանիզմի դիմադրողական ֆունկցիաները: Մաշկը չի կարող պաշտպանել օրգանիզմի իմունային համակարգը արևի ազդեցությունից: Եթե օզոնային շերտի քայքայումը շարունակվի, ապա մարդկությանը մահացու վտանգ կսպառնա: Այդուհանդերձ, աղետից կարելի է խուսափել, օզոնային շերտի քայքայումը կարելի է կանխել: Համաձայն ՄԱԿ-ի շրջակա միջավայրի ծրագրի և համաշխարհային օդերևութաբանական կազմակերպության 2014 թվականի գնահատման օզոնաքայքայիչ նյութերի փոխարինմանն ուղղված համաձայնեցված միջազգայն գործողությունները թույլ կտան վերականգնել Երկրի պաշտպանիչ օզոնային շերտը մի քանի տասնյակ տարիների ընթացքում: Օզոնային շերտի վերականգնումը, ինչպես նաև ցանկացած այլ բնապահպանական հիմնախնդրի լուծումն իրատեսական ենք համարում, սակայն միայն հասարակության բարձր իրազեկվածության ու մասնակցության դեպքում: Չմոռանանք, որ խոսքը վերաբերում է մեր առողջությանը, շրջակա բնական միջավայրին, որտեղ մենք ապրում ենք և կազմում նրա մի մասը, մեր տնտեսությանը, որից կախված է մեր բարեկեցությունը: Չմոռանանք նաև, որ այս ամենի պահպանմամբ մենք պահովում ենք ոչ միայն մեր, այլև մեր սերունդների ապագան:

Աննա Գևորգյան

ԳԵՂԱՐՔՈՒՆԻՔ ԳՅՈՒՂԸ՝ ԱՄԱՌԱՅԻՆ ՀԵՐԹԱԿԱՆ ԶՈՐԱԿՈՉԻՆ



Հայաստանի Հանրապետությունում մեկնարկեց ամառային հերթական զորակոչը: Մեր համագյուղացիները քեֆ-ուրախությամբ ու հանդիսավորությամբ Հայոց բանակ ճանապարհեցին իրենց որդիներին Արտյոն Թադևոսյանին, Խաչիկ Ավետիսյանին, Արթուր Ավդալյանին և Սաշա Հակոբյանին: Մաղ-

թուն ենք նրանց խաղաղ և բարի ծառայություն: Իսկ ժամկետային զինծառայողներ Վոլոդյա Այվազյանը, Տիգրան Հակոբյանը, Հրաչիկ Հովհաննիսյանը, Լյուվա Այվազյանը և Գուրգեն Վարդանյանը զորացրվեցին Հայոց բանակի շարքերից ու իրենց պարտքը կատարած վերադարձան տուն:

ՀԱՆԴԻՊՈՒՄ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱԶԳԱՅԻՆ ԺՈՂՈՎՈՒՄ

Եվրոպական Միության ֆինանսական աջակցությամբ եւ «Իրավաբանների հայկական ասոցիացիա» ՀԿ ղեկավարությամբ գործարկվող «Կառուցողական երկխոսության հանձնառություն» ծրագրով տրամադրված ենթադրամաշնորհի շրջանակներում «Բաց սահմաններ» խաղաղության, ժողովրդավարության և զարգացման ինստիտուտ հասարակական կազմակերպության կողմից իրականացվող «Էդու-լոջիք» հավասար մեկնարկե ծրագրի շրջանակներում հունիսի 24-ին տեղի ունեցավ ՀՀ Գեղարքունիքի մարզի մի շարք դպրոցների «Հասարակագիտություն» առարկան դասավանդող ուսուցիչների և դպրոցների ավագ դասարանների աշակերտների այց ՀՀ ԱԺ: Ազգային ժողովում խմբի հետ հանդիպում ունեցավ ՀՀ ԱԺ պատգամավոր Էդգար Առաքելյանը, ով հանդիպման ժամանակ նշեց, որ շատ է կարևորում քաղաքացիական



կրթության դերը, որը դպրոցներում ՀՀ ապագա քաղաքացին հիմնականում ստանում է «Հասարակագիտություն» առարկայի շնորհիվ, ուստի ընթացող ծրագրի արդյունքները նույնպես կարևոր են: Էդգար Առաքելյանը հնարավորություն ընձեռեց ուսուցիչներին և աշակերտներին խոսել իրենց հուզող հարցերից, քննարկել խնդիրների լուծման հնարավոր տարբերակները: Աշակերտներին հարց-առաջարկներին պատասխանելով Էդգար Առաքելյանը խոստացավ որոշ բարձրացված հարցեր քննարկել ՀՀ ԿԳ նախարար Արայիկ Հարությունյանի հետ և փորձել միասին լուծում գտնել: «Բաց սահմաններ» ՀԿ-ն հատուկ շնորհակալություն է հայտնում ՀՀ ԱԺ պատգամավորներ Էդգար Առաքելյանին և Էդգար Առաքելյանին, ում ջանքերով տեղի ունեցավ վերոնշյալ հանդիպումը:

ՃԱՆԱԳԻՐ ՔՈ ՀԱՅՐԵՆԻՔԸ



Ուսումնական տարվա ավարտը մի կողմից, ամռան վառ օրերի գալը մյուս կողմից Հայաստանի տեսարժան վայրերով մեկ շրջագայելու ցանկություն են առաջացնում մեր դպրոցականների շրջանում: Այդ շրջագայությունները ոչ միայն անցնում են հետաքրքիր, այլ նաև ձեռք են բերում ճանաչողական եւ ուսուցողական մեծ նշանակություն: Այլ բան է տեղեկությունը գրքերից քաղելը, այլ բան սեփական աչքերով տեղում ամեն ինչ տեսնելն ու գնահատելը: Գեղարքունիք գյուղի միջնակարգ դպրոցի աշակերտները ճանաչողական էքսկուրսիաներ կա-

տարեցին Հայաստանի տեսարժան վայրեր՝ Գյումրի քաղաքի Միեր Մկրտչյանի տուն-թանգարան, Ամբերդ, Սաղմոսավանք, Բարդիների պուրակ, Բազմադրյուր, Գառնի, Գեղարդ, Խոր Վիրապ.... Մեր աշակերտներն այդ էքսկուրսիաների արդյունքում շատ բան սովորեցին իրենց հայրենիքի մասին, ճանաչեցին ու գնահատեցին բնության ու պատմության շատ հուշարժաններ, մշակութային բազմապիսի արժեքներ:

Էջի նյութերը՝ «1+1» թերթի խմբագրության




ԼՈՒՍԱՆԿԱՐԶԱԿԱՆ ՑՈՒՑԱՀԱՆԴԵՍԸ ԲԱՑԱՀԱՅՏԵՑ ՄԵՐ ԲՆԱԾԵՆԱՐԿԻ ԹԱՔՆՎԱԾ ԳԵՂԵՑԿՈՒԹՅՈՒՆՆԵՐԸ

Հուլիսի 16-ին տեղի ունեցավ «1+1» դպրոցական թերթի կողմից կազմակերպված «Աշխարհը իմ աչքերով» խորագիրը կրող մարզային լուսանկարչական մրցույթ-ցուցահանդեսը, որին ակտիվ մասնակցություն ցուցաբերեցին Գեղարքունիքի, Կարմիրգյուղի, Սարուխանի, Լանջաղբյուրի և Գանձակի դպրոցների աշակերտները, ովքեր ներկայացրին իրենց լուսանկարները: Ժյուրիի որոշմամբ մրցանակային առաջին տեղը զբաղեց Դավիթ Գիչունցը / Գեղարքունիքի միջնակարգ դպրոց/, երրորդ տեղը՝ Նարեկ Ալվազյանը /Գանձակի թիվ 2 միջնակարգ դպրոց/: Մրցանակների արժանացան նաև մի քանի լավագույն աշխատանքներ, որոնք հեղինակել էին



Սարուխանի և Լանջաղբյուրի դպրոցների աշակերտները: Իսկ մյուս մասնակիցները ստացան պատվոգրեր: Ցուցահանդեսն ուսուցողական ու ճանաչողական բնույթ էր կրում: Ժյուրիի անդամները Գեղարքունիքի միջնակարգ դպրոցի տնօրեն Գոհար Բաղայանը, «Գեղամա աշխարհ» թերթի գլխավոր խմբագիր Խոսրոդ Խլղաթյանը, ցուցահանդեսի մասնակից մանկավարժները զովեստի խոսքեր հնչեցրին ներկայացված լուսանկարների վերաբերյալ: Ցուցահանդեսը կայացավ Գեղարքունիքի մարզպետարանի ԿՄՍ վարչության և «Վորլդ Վիժն Հայաստան» կազմակերպության աջակցության շնորհիվ:



Հարգելի՛ համագյուղացիներ, Գեղարքունիքի միջնակարգ դպրոցի «1+1» դպրոցական թերթին տրված ձեր հարցազրույցները մեր դպրոցականների համար ինքնահաստատման դաս են, որով մեր երեխաները ձեր կողմից տրված նյութերը շարադրում են իրենց հայացքների և ընկալումների շրջանակում, ավելի համառոտ ձևով: Մենք ներողություն ենք խնդրում, եթե չենք մանրամասնում այն, ինչի մասին մանրամասն խոսել եք դուք: Հարգանքով Գեղարքունիքի միջնակարգ դպրոցի «1+1» դպրոցական թերթի խմբագրություն:

4 «ՀՀ Գեղարքունիքի մարզի Գեղարքունիք գյուղի միջնակարգ դպրոց» ՊՈԱԿ
Հասցե՝ Գարեգին Նժդեհի փ. 1
Փոստային դասիչ՝ 1207
Թողարկման օրը՝ 27. 07. 2019 թ.

Խմբագիր և համարի պատասխանատու՝
Ռոզա Հակոբյան
Տպաքանակը՝ 500
Հեռախոս՝ 093919658:
Էլ. փոստ՝ roza.hakobyan.1975@mail.ru